


EICH ARDAL CHI BETH SY’N BWYSIG?

ARDAL **BANGOR**



ASESIAD LLESIANT GWYNEDD A MÔN
Bwrdd Gwasanaethau Cyhoeddus Gwynedd a Môn

2021

Daeth Deddf Llesiant Cenedlaethau'r Dyfodol (Cymru) i rym ar y 1af o Ebrill 2016. Pwrpas y ddeddf yw gwella lles cymdeithasol, economaidd, amgylcheddol a diwylliannol Cymru.

Mae'r ddeddf wedi sefydlu Bwrdd Gwasanaethau Cyhoeddus (y Bwrdd) ar gyfer pob ardal awdurdod lleol er mwyn sicrhau bod cyrff cyhoeddus yn gweithio efo'i gilydd i greu gwell dyfodol i bobl Cymru.

Ar gyfer Gwynedd a Môn mae'r ddau Fwrdd wedi dod at ei gilydd i gydweithio, ac mae'n bartneriaeth sy'n cynnwys y cynghorau sir, y gwasanaeth tân ac achub, y gwasanaeth iechyd, Cyfoeth Naturiol Cymru, ynghyd â phartneriaid eraill o'r sector cyhoeddus a'r trydydd sector.

Mae Bwrdd Gwasanaethau Cyhoeddus Gwynedd a Môn wedi rhannu'r ardal gyfan yn 14 o ardaloedd a elwir yn ardaloedd llesiant. Mae gwaith ymchwil wedi cael ei wneud ar ran y Bwrdd ar bob un o'r 14 ardal er mwyn deall a dysgu mwy am lesiant yr ardaloedd hynny. Mae partneriaid y Bwrdd Gwasanaethau Cyhoeddus hefyd wedi ymgysylltu'n helaeth efo'n cymunedau yn ystod y misoedd diwethaf. Y prif ddarn o waith yng Ngwynedd oedd yr ymarferiad 'Ardal Ni 2035', gyda'r sgysiau am faterion lleol yn digwydd fesul ardaloedd llai. Bwriad y gwaith 'Ardal Ni 2035' yw ymgysylltu a chyd-weithio gyda thrigolion, grwpiau a sefydliadau er mwyn helpu cymunedau i adnabod y blaenoriaethau hynny fydd angen sylw dros y 10-15 mlynedd nesaf a chreu a gwireddu cynlluniau adfywio lleol. Er mwyn gweithio â chymunedau llai, mae ardal llesiant Bangor wedi ei rannu yn ddau sef Dalgylch Bangor a Bro Ogwen.

Mae'n bwysig nodi hefyd bod y gwaith ymchwil wedi amlygu rhai bylchau data a bod rhai ffigyrau yn seiliedig ar ddata'r Cyfrifiad 2011, sydd bellach dros 10 mlynedd oed. Ein bwriad fydd diweddarau'r data sydd yn y llyfryn hwn yn rheolaidd er mwyn casglu'r prif negeseuon sydd wedi eu cyfleu am gyflwr llesiant ein cymunedau, ac yn sail felly i greu'r Cynllun Llesiant fydd yn arwain gwaith y Bwrdd dros y blyneddau sydd i ddod.

Ers yr asesiad diwethaf yn 2016, mae ein cymunedau wedi wynebu newidiadau sylweddol yn sgil Brexit ac yn fwy diweddar y pandemig Covid-19. Mae delio â'r argyfwng wedi amlygu pwysigrwydd y gwasanaethau sy'n cael eu darparu gan y sector gwirfoddol a chyhoeddus i'n cymunedau, a phwysigrwydd y cydweithio sydd rhyngddynt. Hefyd, mae'r argyfwng wedi rhoi'r chwydd wydr ar faterion a oedd yn bodoli eisoes yn ein cymunedau gan amlygu rhai pynciau fel tlodi a chyflogaeth, iechyd meddwl, ail gartrefi, twristiaeth ac unigedd.

Yn ogystal mae'r cyfnod wedi amlygu pwysigrwydd ein hamgylchedd sy'n greiddiol i iechyd a lles ein pobl a'n heconomi lleol, gan ddenu ymwelwyr i'r ardal. Wrth i ni edrych tuag at ddilyn llwybr gwyrddach allan o bandemig Covid-19, mae'n gyfle i ni ail edrych ar sut rydym yn defnyddio ein hasedau naturiol i fynd i'r afael â bygythiadau argyfyngau'r hinsawdd a natur.

Bydd yr Asesiad Llesiant yn rhoi sylw pellach i'r materion hyn sy'n bwysig i gymunedau ein hardaloedd.

**DYMA'R WYBODAETH RYDYM WEDI EI GASGLU AR
ARDAL BANGOR, SY'N CYNWYS Y FELINHELI A
DYFFRYN OGWEN. YDYCH CHI'N ADNABOD Y DARLUN
SYDD WEDI EI GREU O'CH ARDAL CHI?**



POBLOGAETH



Pwy yw pobl Bangor?

Mae 30,519 yn byw yn ardal Bangor sef tua 24% o boblogaeth Gwynedd.

Mae disgwyl bydd poblogaeth Bangor yn lleihau dros y blynyddoedd nesaf. **Mae ffigyrau yn awgrymu bydd tua 29,132 yn byw ym Mangor erbyn 2043, lleihad o 4% ers 2019.** Mae hyn yn o ganlyniad i allfudo net. Ar y llaw arall mae cynnydd o 6%, yn cael ei ragweld yng Ngwynedd.



Ym Mangor mae disgwyl gweld y lleihad mwyaf, sef 21%, yn y boblogaeth o dan 15 oed a hefyd yn y boblogaeth 25-39 oed.

Nid yw'r lleihad yma yn cael ei ddisgwyl ym mhob grŵp oedran, ac mae'r cynnydd mwyaf, sef 56%, yn cael ei ragweld yn y boblogaeth 75 oed a hŷn. Mae twf tebyg yn cael ei ragweld yn y boblogaeth yma yng Ngwynedd, lle mae disgwyl y bydd tua 42% yn rhagor o bobl 75 oed a hŷn yn byw yn y sir erbyn 2043.


Iaith

Yn ôl canlyniadau Cyfrifiad 2011, **mae 51% o bobl ardal Bangor yn gallu siarad Cymraeg**, sy'n is na chanran Gwynedd o 65%, ond yn uwch na Chymru sydd ar 19%.

Mae'r ffigwr wedi gostwng dros y degawdau diwethaf o'i gymharu â 66% yn 1981. Mae'r gostyngiad yma o 10% yn debyg i weddill Gwynedd sydd wedi gostwng o 76% i 65% dros yr un cyfnod.

Yn ôl holiadur o 2019 mae 46% o blant cynradd Bangor yn siarad Cymraeg bob amser neu yn aml ar yr iard. Mae hyn yn is na chanran Gwynedd sef 64%.

Mae'r canran o blant uwchradd Bangor sy'n siarad Cymraeg bob amser neu yn aml ar yr iard yn is, sef 18%, ac mae hyn unwaith eto yn is na chanran Gwynedd sef 42%.



AMGYLCHEDDOL




Pa mor wyrdd yw'r ardal?

Mae tipio anghyfreithlon yn is yng Ngwynedd na gweddill Cymru - gyda 5.1 achos o dipio i bob 1000 o'r boblogaeth o gymharu â 10.6. Mae cynnydd wedi bod yn y nifer o achosion o dipio anghyfreithlon a gofnodwyd yng Ngwynedd o 529 yn 2014/15 i 633 yn 2019/20. Wrth edrych ar y perthynas rhwng dwysedd poblogaeth a'r nifer achosion tipio ar eiddo cyhoeddus yn 2020/21, roedd ardal Bangor yn yr ardal llesiant oedd yn cael ei effeithio fwyaf.

Yng Ngwynedd mae cynnydd wedi ei weld yn y canran o wastraff trefol sydd wedi'i anfon i'w aildddefnyddio,

ailgylchu neu gompostio o 59% yn 2014/15 i 67% yn 2020/21. Yn 2014/15 roedd y canran ychydig is na chanran Cymru, ond erbyn 2020/21 mae canran Gwynedd a Chymru yn debyg iawn.



Pa mor lân yw'n strydoedd?

Mae glendid strydoedd yn cael ei archwilio yn flynyddol gan Cadw Cymru'n Daclus.

Yn 2019/20 cafod 142 stryd yng Ngwynedd ei archwilio, ac roedd 95% o safon glendid uchel neu dderbyniol, hynny yw, Gradd B neu uwch. Mae'r canran yma yn debyg iawn i'r hyn ag oedd yn 2015/16.

O fewn ardal Bangor cafodd 30 stryd ei archwilio, ac fe wnaeth 87% o'r rhain dderbyn Gradd B neu uwch yn 2019/20. Mae'r canran yma yn debyg iawn i'r canran a gafodd Gradd B neu uwch yn 2015/16.

87%

o strydoedd Bangor yn cyrraedd safon glendid uchel neu dderbyniol



Mae 82% o ymatebwyr ymgynghoriad baw cŵn o Fangor yn teimlo ei fod yn broblem yn eu hardal, mae hyn yn debyg iawn i'r ganran oedd o'r un farn yng Ngwynedd (81%).

Newid hinsawdd a llifogydd

Mae'r argyfwng yn yr hinsawdd a natur yn brif heriau sy'n wynebu cenedlaethau'r dyfodol. Dros y ganrif ddiwethaf, mae'r tymheredd wedi cynyddu, mae lefelau'r môr wedi codi, ac mae patrymau tywydd wedi newid yn sylweddol.

Gyda chyfran lawer uwch o arfordir o'i chymharu â siroedd eraill yng Nghymru, gwelir effaith penodol newid hinsawdd ar gymunedau.

Yng Ngwynedd, mae 11,285 o eiddo mewn perygl o lifogydd ar hyn o bryd.

Yn ardal llesiant Bangor mae Bangor yn un o 10 cymuned sydd wedi eu hadnabod fel cymunedau sy'n wynebu risg uchel o lifogydd. Wrth i'r hinsawdd newid, rhagwelir y bydd yr ardal hon, fel llawer o gymunedau arfordirol eraill ledled Cymru, yn wynebu stormydd a glawiad trwm yn fwy aml, yn ogystal â chynnydd yn lefel y môr.

Roedd byw mewn ardal wyrdd ac amgylchedd gyfeillgar yn un o flaenoriaethau grwpiau a mudiadau ardal Bangor a Bro Ogwen, pan ofynnwyd am y newidiadau hoffent eu gweld yn yr ardal dros y 10-15 mlynedd nesaf. I'r dyfodol, roedd dymuniad i fod yn cynnal cynlluniau i leihau defnydd o blastig un-tro, gosod rhagor o bwyntiau gwefru ceir a gwneud defnydd o ynni adnewyddadwy er mwyn osgoi effaith newid hinsawdd. (Ardal Ni 2035)



11,285

o dai Gwynedd mewn perygl o lifogydd

Mawndir y Carneddau

Mae mawn yn adnodd naturiol pwysig ar gyfer dal a storio carbon, lleihau allyriadau nwyon tŷ gwydr, hybu bioamrywiaeth a rheoli dŵr. Mae cynefinoedd mawndir yn helpu i reoleiddio ein hinsawdd a'r gylchred ddŵr, ac mae'r ddau ohonynt yn sylfaenol i les. Mae priddoedd mawn dwfn yn bwysig ar gyfer lliniaru newid yn yr hinsawdd wrth iddynt gymryd a storio carbon atmosfferig.

Awyr iach

Mae crynodiad NO₂ yn un modd o fesur ansawdd aer, ac mae'n cael ei gyfleu fel microgramau (µg) cyfartalog am bob m³. Yn 2019 roedd mesur cyfartalog o 4.8 µg/m³ NO₂ mewn lleoliadau anheddau preswyl yng Ngwynedd. Roedd hyn llawer is na mesur cyfartalog Cymru o 9.2 µg/m³.



CYMDEITHASOL



Iechyd da?



Yn ardal Bangor yn 2020-2021 roedd amser ymateb ambiwlans ar gyfer galwad 'coch', hynny yw y math mwyaf difrifol, ar gyfartaledd 06:32 munud. Hwn yw'r amser cyfartalog isaf yng Ngwynedd. Er hynny, mae amser Bangor wedi codi dros y blynnyddoedd diwethaf o 04:45 munud yn 2018-2019 a 05:31 munud yn 2019-2020.



Amser ymateb ambiwlans:


6:32 munud

Mae amser teithio cyhoeddus a preifat dwyffordd i *feddygfa* yn uwch yng Ngwynedd na Chymru, gydag amser cyfartalog o 54 munud a 11 munud i gymharu gyda 40 munud a 7 munud. Mae hyn hefyd yn wir ar gyfer teithio i *fferyllfa* lle mae teithio dwyffordd cyhoeddus cyfartalog yn cymryd 53 munud a preifat 11 munud, i gymharu gyda 38 munud a 7 munud ar gyfer Cymru.

O fewn ardal Bangor mae amrywiaeth o fewn yr amser teithio, ac mae gan ardal Hiracl a Gareth 2, Marchog 2 a Menai rhai o amseroedd teithio cyhoeddus i *fferyllfa* byrraf yn y sir. Mae gan ardal Hiracl a Gareth 1, Hiracl a Garth 2 a Marchog 2 rhai o amseroedd teithio cyhoeddus i *feddygfa* byrraf yn y sir.

Mae ffigyrau iechyd poblogaeth bellach ar gael ar gyfer Gwynedd, i roi syniad o gyflwr a phatrymau iechyd y sir.

Yn ôl y ffigyrau diweddaraf mae disgwyliad oes dyn adeg ei eni yng Ngwynedd yn 79.5 oed, tra bod disgwyliad oes merch adeg ei geni yn 83.1 oed. Mae hyn ychydig yn uwch na ffigyrau Cymru lle bod disgwyliad oes dyn adeg ei eni yn 78.3 a merch 82.1.



Yn ôl ffigyrau 2017/18-2019/20, mae 38% o oedolion 16 i 64 gyda phwysau iach yng Ngwynedd. Mae hyn mwy neu lai yr un fath a ffigwr Cymru gyfan. Mae'r ffigwr hyn yn codi i 41% mewn oedolion 65 oed a hyn yng Ngwynedd, sydd yn uwch na chanran Cymru o 38%.



Ffactorau eraill sy'n effeithio ar ein iechyd yw ysmegu ac yfed alcohol. **Mae 11% o bobl 16 oed neu'n hŷn yn dweud eu bod yn ysmegu**, sef un o ffigyrau isaf siroedd Cymru, ac mae 16% o bobl yn yfed mwy na 14 uned o alcohol yr wythnos. Mae'r ddau ffigwr yma yn is na ffigwr Cymru gyfan, lle mae 17% yn ysmegu a 19% yn yfed mwy na'r canllawiau.

Mewn arolwg yn 2018/19 a 2019/20 nododd 31% o oedolion Gwynedd eu bod wedi bwyta o leiaf 5 dogn o lysiau a ffrwythau'r diwrnod blaenorol, uwch na lefel Cymru gyfan o 24%.

Mae iechyd meddwl yn rhan bwysig o lesiant ac iechyd. Mae data gan Iechyd Cyhoeddus Cymru o 2018-19 yn nodi lles meddyliol ymysg oedolion (16 a hŷn) ar ffurf sgoriau safonedig oed. 52.9 yw sgôr Gwynedd sydd ychydig yn uwch na sgôr Cymru, sef 51.4.

Mae data gan Arolwg Cenedlaethol Cymru ar gyfer 2018/19-2019/20 yn nodi fod 8% o oedolion Gwynedd gydag anhwylderau'r meddwl, canran ychydig bach yn is na weddill Cymru (10%).

Iechyd plant a pobl ifanc

Mae ystadegau iechyd sbesiffig ar gyfer plant Gwynedd hefyd ar gael.


Mae canran y genedigaethau unigol byw gyda phwysau geni isel ychydig yn is yng Ngwynedd na Chymru, sef 5% i gymharu gyda 6%.

Yng Ngwynedd, mae canran yr holl blant wedi eu himiwneiddio'n llawn yn ôl yr amserlen erbyn pedair oed wedi cynyddu ychydig o 88% yn 2017 i 91% yn 2019. Mae hyn yn uwch na lefelau Cymru lle'r oedd 88% wedi eu himiwneiddio'n llawn yn 2019.

Mae 31% o blant 4-5 oed dros eu pwysau neu yn ordew – sy'n uwch na ffigwr Cymru o 27%.

Yn ôl data o 2017/18 mae tua 9% o blant 11-16 oed Gwynedd yn yfed alcohol a 3% yn ysmegu.

Yng Ngwynedd, mae cyfradd beichiogi merched yn eu harddegau sydd o dan 18 oed yn 16.6 fesul 1000 o ferched 15-17 oed, sy'n ostyngiad ers yr asesiad llesiant diwethaf. Mae hyn ychydig yn is na ffigyrau Cymru gyfan, sef 18.9. Mae'r ffigwr yma hefyd wedi gostwng ers yr asesiad llesiant diwethaf.



Cadw'n ddiogel



Roedd cyfradd troseddau Bangor fesul 1,000 o'r boblogaeth 16 a hŷn yn 150 yn 2020. Hwn yw'r gyfradd uchaf o holl ardaloedd llesiant Gwynedd.

Mae cyfradd ardal Bangor yn uwch nag oedd yn yr asesiad llesiant diwethaf yn 2015, gyda chyfradd o 138 bryd hynny.

cyfradd troseddau Bangor fesul 1,000 o'r boblogaeth

Yng Ngwynedd, mae 55% yn teimlo'n ddiogel iawn a 34% yn teimlo'n eithaf diogel yn yr ardal leol ar ôl iddi dywyllu. Yn ogystal mae 89% yn teimlo'n ddiogel iawn a 10% yn teimlo yn eithaf diogel yn y cartref ar ôl iddi dywyllu yng Ngwynedd. Mae mwy o bobl yn teimlo yn ddiogel iawn yn eu hardal leol neu yn y cartref ar ôl iddi dywyllu yng Ngwynedd na Chymru gyfan.

Fodd bynnag, roedd diogelwch cymunedol a phryderon am y defnydd o gyffuriau yn themâu oedd yn codi yn ardal Bangor yn ystod ymarferiad 'sgyrsiau stepen drws' gan gymdeithas dai Adra.

“Mae'r ardal yn cael enw drwg am gyffuriau. Byddai'n wych cael diwrnod undod cymunedol a digwyddiad lle mae'r holl blant lleol yn cymryd rhan ac yn dod â'r gymuned ynghyd.”
(Sgyrsiau stepen drws, Cymdeithas dai Adra)

Ar gyfartaledd rhwng 2017/18-2019/20 roedd 41 achos tân bwriadol y flwyddyn yn ardal Bangor a 71 achos tân damweiniol. Mae'r ffigwr achos tân bwriadol yn uwch na'r nifer nodwyd yn yr asesiad llesiant diwethaf tra bod y ffigwr achos tân damweiniol yn debyg ond ychydig bach yn is.

Yng Ngwynedd ar gyfartaledd rhwng 2017/18-2019/20 roedd 113 achos tân bwriadol y flwyddyn a 335 achos tân damweiniol y flwyddyn. Mae'r ffigwr achos tân bwriadol yn uwch na'r nifer nodwyd yn yr asesiad llesiant diwethaf, tra bod y ffigwr achos tân damweiniol yn is.

112 achos tân yn ardal Bangor



Cadw mewn cysylltiad



74%

o gartrefi gyda char neu fan yn ardal Bangor

Mae gan 74% o gartrefi yn ardal Bangor gar neu fan, sy'n is na'r ffigwr ar gyfer Gwynedd, sef 79% a 77% ar gyfer Cymru gyfan.

Mae amser teithio cyhoeddus a preifat dwyffordd i siop fwyd yn uwch yng Ngwynedd na Chymru gyfan, gydag amser cyfartalog o 40 munud a 6 munud i gymharu gyda 32 munud a 4 munud. Mae amrywiaeth o fewn ardal Bangor, ac mae nifer o amseroedd teithio cyhoeddus byrraf y sir o fewn ardal Llesiant Bangor. Mae amseroedd teithio preifat hefyd yn amrywio, ac mae amseroedd Arllechwedd, Gerlan a Tregarth a Mynydd Llandygai yn rhai o'r hiraf yn y sir a Deiniol, Hiracl a Garth 1, Hiracl a Garth 2 a Menai yn rhai o'r byrraf.

Mae ffigyrau o 2019 yn dangos fod gan Wuned ganran uwch o ddiffyg argaeledd canrannol band eang ar 30Mb/e na Chymru gyfan, sef 12% i gymharu gyda 7%.

Mae 16% o bobl Wuned yn unig, o'i gymharu â 15% sydd yn unig ar draws Cymru gyfan.

Helpu'n gilydd

Yn ôl ffigyrau'r Cyfrifiad yn 2011, mae 8% o'r boblogaeth yn ardal Bangor yn rhoi o leiaf un awr yr wythnos o ofal di-dâl. Mae'r ffigwr yma ychydig yn is na'r hyn sy'n nodweddiadol o ardaloedd eraill yng Ngwynedd.

Mae'r canran o bobl sy'n gwirfoddoli yng Ngwynedd wedi codi ychydig bach o 31% yn 2016 i 33% yn 2019, sy'n uwch na chanran Cymru, sef 26%. Mae'n debyg fod Covid-19 wedi golygu cynnydd yn y nifer sy'n gwirfoddoli, fodd bynnag, nid oedd data fesul ardal ar gael.

Roedd ysbryd a chyfeillgarwch y gymuned ymysg y prif bethau sy'n gwneud ardal Bangor yn le da i fyw. (Ardal Ni 2035)

“Yn gyffredinol, cymuned yr ardal yn un sy'n gofalu am gymdogion.”
(Cyngor Cymuned Llanllechid, Ardal Ni 2035)



ECONOMAIDD



Twristiaeth

Gan gynnwys AirBnB, mae 706 o fusnesau llety ymwelwyr yn Arfon, sef tua 18% o'r cyfanswm ar gyfer Gwynedd yn 2019.

Yn ardal Bangor, amcangyfrifir bod 4,043 o wllâu llety ymwelwyr. Mae hyn yn cynrychioli llai na 3% o gyfanswm y gwelyau llety ymwelwyr yng Ngwynedd.

Mae dau o'r 18 prif gyrchfan twristiaeth Gwynedd sydd wedi eu hadnabod gan y Cyngor wedi eu lleoli yn ardal Bangor, sef Bethesda a Bangor.



706 o fusnesau llety ymwelwyr yn Arfon

Tai ac ail gartrefi

Yn 2020, roedd canolrif pris tŷ yn ardal Bangor tua £157,000, sef cynnydd o £12,000 ers yr asesiad diwethaf yn 2015.



Mae canolrif incwm teuluoedd Bangor tua £26,997 ond mae angen o leiaf £34,286 i fforddio prynu tŷ pris lefel mynediad i'r farchnad. Mae hyn yn golygu bod 62% o aelwydydd Bangor wedi eu prasio allan o'r farchnad. Mae hyn yn uwch na chanran Gwynedd, sef 59% a chanran Cymru, sef 56%. Fodd bynnag, mae'n debyg nad yw ffigyrau 2020 yn dangos llawn effaith y pandemig ar brisiau tai yr ardal, ac bydd yr rhain yn cael ei diweddarau pan fydd y data ar gael.

Mae'r pryderon hyn yn cael ei amlygu mewn sgysiau gyda grwpiau lleol, gyda diffyg tai sy'n fforddiadwy ac yn addas i bobl ifanc a theuluoedd yn ymddangos fel un o'r pethau sy'n cael effaith negyddol ar y ffordd oeddent yn teimlo am eu hardal. (Ardal Ni 2035)

“Dylai bod mwy o dai mwy yn cael eu hadeiladu ym Mangor er mwyn i deuluoedd gael yr opsiwn i uwchraddio i dai mwy wrth iddynt gynyddu.”

(Grŵp Cymunedol Maestryfan, Ardal Ni 2035)

Beth yw gwaith pobl Bangor?



Mae data'r Cyfrifiad 2011 yn dangos bod 27% o bobl sydd mewn gwaith, ond heb unrhyw gymhwyster, yn gweithio mewn galwedigaethau elfennol yn ardal Bangor e.e. glanhau, casglu gwastraff, gweithio ar fferm neu mewn ffatri. Mae'r canran yma yn debyg i Wynedd, ac yn gyffredinol, mae mwy o bobl sydd heb unrhyw gymhwyster yn gweithio yn y swyddi hyn nag unrhyw fath o swyddi eraill ar draws Gwynedd.

Dim ond 8% o'r rhai sydd heb gymhwyster sy'n gweithio fel rheolwyr neu gyfarwyddwyr. Mae'r 59% o bobl sydd â chymhwyster gradd neu gyfatebol yn gweithio yn y maes proffesiynol. Mae hyn yn ffigwr uwch na gweddill Gwynedd a Chymru, ac yn debygol o fod oherwydd presenoldeb y Brifysgol yn yr ardal. Nid oes data dibynadwy ar gael am feysydd gwaith fesul ardal leol wedi 2011, a gwelir felly bwlch data sylweddol.



£421 canolrif cyflog wythnosol

Cyflog

Mae canolrif cyflog wythnosol yn etholaeth Arfon (y mae ardal Bangor yn rhan ohoni) tua £421 yr wythnos, sydd 9% yn uwch na Gwynedd gyfan (£386 yr wythnos), ond yn 16% yn is na Chymru (£469 yr wythnos).

Mae cyflogau merched 32% yn llai na chyflog dynion yn yr ardal. Mae'r bwlch yma yn debyg i'r bwlch ar draws Gwynedd.


Mae 42% o'r boblogaeth sydd dros 50 oed yn gweithio yng Ngwynedd - sy'n uwch na'r ffigwr ar gyfer Cymru sef 40%.

Diweithdra

Mae 75% o drigolion Gwynedd sydd rhwng 16 a 64 oed mewn gwaith neu addysg, sydd ychydig yn is na chanran Cymru sef 76%.

Mae canran y bobl 16-64 oed oedd yn hawlio'r Lwfans Ceisio Gwaith yn ardal Bangor yn 4.7%. Mae hyn ychydig yn uwch na chanran Gwynedd sef 4.5%.

Mae'r ffigwr yn amrywio yn fawr o fis i fis gyda'r canran uchaf fis Chwefror 2021 (5.3%) a'r isaf yn Medi 2021 (3.9%). Mae'n debyg fod hyn o ganlyniad i effaith gyfnod clo Covid-19 ar ddechrau 2021.



4.7%

o bobl yn hawlio lwfanc ceisio gwaith

Busnesau

Yn 2020, roedd cyfanswm o 4,380 o fusnesau wedi cofrestru yng Ngwynedd.

Mae cyfradd busnesau newydd sy'n cychwyn yng Ngwynedd yn is nag Ynys Môn, Gogledd Cymru a Chymru.



61%

o gwmnïau yn goroesi 3+ blwyddyn

Mae 61% o gwmnïau yng Ngwynedd yn aros mewn busnes am o leiaf tair blynedd neu fwy. Mae hyn yn uwch na Chymru sydd ar 54%. Mae'r gyfradd o'r busnesau sy'n methu hefyd yn is yng Ngwynedd o'i gymharu ag Ynys Môn, Gogledd Cymru a Chymru.

Sgiliau am oes

O 2018/19 mae Llywodraeth Cymru wedi cyflwyno set newydd o fesurau perfformiad sy'n cynnwys y sgôr pwyntiau Llythrennedd, y sgôr pwyntiau Rhifedd a'r sgôr pwyntiau Gwyddoniaeth. Mae hyn yn ei gwneud hi'n anodd cymharu o flwyddyn i flwyddyn dros y blyneddau diwethaf ac nid oes dadansoddiad fesul sir ers 2018/19.

Fodd bynnag, mae ffigyrau ar gael am y nifer o adawyr ysgol blwyddyn 11 y gwyddys sydd ddim mewn addysg, cyflogaeth na hyfforddiant (NEET). Yng Ngwynedd mae'r ganran am 2020 yn 1.2%, sy'n is na ffigwr Cymru gyfan sef 1.7%.



Yr arian yn ein poced

£15,941

incwm ar ôl talu costau cartref a treth



Mae incwm sydd ar gael i'w wario ar ôl costau talu am gartref a threthi gan bobl yng Ngwynedd, yn £15,941 y pen y flwyddyn, sydd yn £1,322 yn llai na Chymru gyfan.

Yn ardal Bangor, mae 16% o ddisgyblion ysgol gynradd yn hawlio pryddau ysgol am ddim sydd ychydig yn uwch na chanran Gwynedd gyfan. Erbyn i ddisgyblion gyrraedd ysgol uwchradd, mae'r ffigwr yn gostwng i tua 14%, sydd yn hefyd yn uwch na'r 12% ar gyfer gweddill y sir.

Yn ôl ffigyrau cyn-bandemig mae bron i 19% o gartrefi Bangor mewn tloedi tanwydd, sydd yn is na Gwynedd gyfan (20%).

Fodd bynnag, gyda'r cynnydd diweddar mewn prisiau tanwydd mae'r ffigwr hwn yn debygol o fod yn llawer uwch na'r amcangyfrif yn 2018, ond yn anffodus roedd dod o hyd i ddata dibynadwy yn y maes hwn yn problem.

DIWYLLIANNOL



Cadw'n heini

Yn ôl Arolwg Chwaraeon Ysgol ddiweddaraf Chwaraeon Cymru mae nifer tebyg o blant Gwynedd yn cymryd rhan mewn chwaraeon a sydd ar draws Cymru.

Yn 2018, roedd 49% o blant Gwynedd yn cymryd rhan mewn gweithgaredd chwaraeon 3 gwaith neu fwy yr wythnos – mae hyn yn cymharu â 48% yng Nghymru. Mae 66% o ddisgyblion Gwynedd yn cymryd rhan mewn chwaraeon cymunedol tu allan i'r ysgol o leiaf un waith yr wythnos, tebyg i'r 65% yng Nghymru.



49%

o blant yn cymryd rhan mewn chwaraeon 3+ gwaith yr wythnos

Yn 2019, roedd 33% o oedolion yn dweud eu bod yn cymryd rhan mewn gweithgareddau chwaraeon deirgwaith neu fwy yr wythnos i gymharu gyda 32% yng Nghymru.


Mae amser teithio cyhoeddus a preifat dwyffordd i gyfleuster chwaraeon yn uwch yng Ngwynedd na Chymru, gydag amser cyfartalog o 71 munud a 12 munud i gymharu gyda 55 munud a 10 munud yn y drefn honno.

O fewn ardal Bangor mae peth amrywiaeth yn amser teithio cyfartalog, ac mae gan ardaloedd Hirael a Garth 1, Hirael a Garth 2 a Menai rai o amseroedd teithio preifat a cyhoeddus byrraf y sir, ac mae gan ardal Glyder hefyd un o amseroedd teithio preifat byrraf y sir.

Amser hamdden

Mae amser cyfartalog teithio dwyffordd cyhoeddus a preifat i lyfrgell gyhoeddus yn uwch yng Ngwynedd na Chymru gyfan, gydag amser cyfartalog o 61 munud a 15 munud i gymharu gyda 45 munud a 10 munud.





Mae ffigyrau amser hamdden ar gael ar gyfer y cyfnod cyn y pandemig. Yn ôl arolwg o 2019/20 roedd **65% o oedolion yng Ngwynedd yn dweud eu bod wedi mynychu digwyddiad celfyddydol yn ystod y flwyddyn** a 38% wedi ymweld ag amgueddfa. Mae'r ddau ffigur yma wedi cynyddu ychydig ers yr asesiad diwethaf. Yn 2016/17, roedd 47% wedi ymweld â llyfdd hanesyddol, lleihad ers yr asesiad diwethaf.

Mae effaith y pandemig ar y celfyddydau a diwylliant yn amlwg, gyda theatr a sinemau yn gorfod cau dros gyfnod y clo a chyfyngiadau yn y niferoedd sy'n cael mynychu digwyddiadau wedi hynny. Fodd bynnag, nid oedd ffigurau dibynadwy fesul ardal leol i fesur hyn ar gael.

Mannau gwyrdd

Mae cysylltiad rhwng llesiant diwylliannol a threulio amser mewn mannau gwyrdd a natur, ac mae agosatrwydd at fan gwyrdd naturiol yn un ffurf o asesu amgylchedd ffisegol ardal.

Mae sgôr ar gyfer agosatrwydd at Fan Gwyrdd Naturiol Hygyrch yr un fath ar gyfer Gwynedd a Chymru gyfan, sef 77%.

Safle Treftadaeth y Byd

Mae tirwedd lechi gogledd-orllewin Cymru wedi'i hychwanegu at Restr Safleoedd Treftadaeth y Byd UNESCO, sy'n golygu mai dyma'r pedwerydd Safle Treftadaeth y Byd yng Nghymru.

Mae chwe rhan i'r Safle Treftadaeth hwn, gan gynnwys tirweddau chwareli ysblennydd fel Penrhyn, Dinorwig, Dyffryn Nantlle a Ffestiniog. Mae hefyd yn cynnwys Amgueddfa Lechi Cymru yn Llanberis, Castell Penrhyn a Rheilffyrdd enwog Ffestiniog a Thalyllyn.



SAFLE TREFTADAETH Y BYD
Llechi Cymru
Wales Slate
WORLD HERITAGE SITE

“Harddwch naturiol yr ardal a rhan sylweddol o'r ardal yma bellach yn rhan o Safle Treftadaeth y Byd – a chyfleodd economaidd sy'n dod yn sgil hynny.”
(Cyngor Cymuned Llandygai, Ardal Ni 2035)

AM FWY O WYBODAETH...

www.LlesiantGwyneddaMon.org

post@llesiantgwyneddamon.org

01766 771000

Gofynnwch am Rheolwr Rhaglen Bwrdd Gwasanaethau Cyhoeddus Gwynedd ac Ynys Môn